

Incumbensa Holzinger-Loretz concernent l'annullaziun da l'obligaziun da restituziun per persunas giuvnas creschidas durant l'emprima scolaziun

En 21 chantuns èn persunas giuvnas creschidas deliberadas da l'obligaziun da restituir prestaziuns d'agid social fin a la terminaziun da lur emprima scolaziun.

En il chantun Grischun n'è quai betg il cas. A partir da 18 onns ston persunas giuvnas creschidas restituir prestaziuns da sustegn ch'ellas retiran sezzas.

Da princip na duessan giuvenils betg esser dependents d'agid social durant ina scolaziun. La pratica mussa dentant che betg tuts pon cuvrir ils custs reconuschids, e quai malgrà stipendis e paja da scolaziun. Perquai duain persunas giuvnas creschidas vegnir deliberadas da l'obligaziun da restituir prestaziuns da sustegn ch'ellas retiran durant lur emprima scolaziun. Uschia vegn augmentada la schanza che persunas giuvnas creschidas pon cumenzar e terminar ina scolaziun e ch'ellas pon far il pass en l'indipendenza economica senza avair debits ch'ellas ston pajar giu.

Questa pretensiun era in punct impurtant en il project «Rinforz da la tgira d'uffants complementara a la famiglia – aboliziun da la Lescha davart contribuziuns da maternitad».

Per quests motifs incumbensain nus la Regenza:

D'abolir l'obligaziun da restituir ils custs da sustegn per ina persuna maiorenna durant sia emprima scolaziun fin maximalmain a la cumplenida da ses 25. onn da vegliadetgna.

Tavau, ils 16 da zercladur 2021

Holzinger-Loretz, Degiacomi, Hardegger, Alig, Baselgia-Brunner, Berweger, Bettinaglio, Brunold, Caluori, Cantieni, Caviezel (Cuir), Claus, Crameri, Deplazes (Rabius), Derungs, Ellemunter, Fasani, Felix, Florin-Caluori, Föhn, Gartmann-Albin, Gugelmann, Hartmann-Conrad, Hitz-Rusch, Horrer, Jochum, Kienz, Kohler, Lamprecht, Loepfe, Märchy-Caduff, Mittner, Müller (Favugn), Natter, Niggli-Mathis (Grüsch), Papa, Perl, Pfäffli, Rettich, Ruckstuhl, Rüegg, Rutishauser, Sax, Schmid, Schutz, Schwärzel, Stiffler, Thomann-Frank, Thür-Suter, Tomaschett-Berther (Trun), Ulber, von Ballmoos, Waidacher, Weidmann, Widmer-Spreiter (Cuir), Wilhelm, Zanetti (Landquart), Bürgi-Büchel, Spadarotto, Stieger, Tomaschett (Cuir)